



辽金刻经

16

房山石经

赵榛初题



中国佛教协会
中国佛教图书文物馆 编
华夏出版社 出版

圖書在版編目(CIP)數據

房山石經/中國佛教協會 中國佛教圖書文物館編.
-北京:華夏出版社,2000.5

ISBN 7-5080-1771-4

I. 房… II. 中… III. 佛經 IV. B94

中國版本圖書館CIP數據核字(1999)第11949號

房山石經(全三十冊)

編者 中國佛教協會

中國佛教圖書文物館

出版者 華夏出版社
(北京東直門外香河園北里四號 郵編 100028)

印刷者 北京機工印刷廠
北京建築工業印刷廠

出版年月 二〇〇〇年五月第一次印刷

定價 九千六百元

版權所有 翻印必究

《房山石经》编辑出版委员会

主任 赵朴初
副主任 周绍良 刀述仁 王智钧 净 慧
黄炳章 萧秉权 姚长寿
编委 任 杰 法 映 高文铸 王炳旻
张 伟 赵玉之 何 云 卢 浔
张泽西

编委会办公室主任 张 伟
编委会办公室副主任 姚长寿 邓秀成
编委会办公室成员 武子羽 李芝文 庄晓明
邓继武 张跃青 陈英树

责任编辑 高文铸 王炳旻 周国芳
技术编辑 李芝文

房山石经（辽金刻经）目录

端——谷

端字号至谷字号 五百八十六石 一千一百五十三张

大智度经论卷五十一至卷一百 龙树菩萨造 姚秦龟兹国三藏鸠摩罗什译……………

大安十年（一〇九四）刻石

载《南藏》「箴」字至「隐」字帙、《北藏》、《径山藏》、《龙藏》「仪」字至「叔」字帙

大智度經論卷第五十一

端

龍樹菩薩造

姚秦龜茲國三藏鳩摩羅什譯

摩訶般若波羅蜜經乘乘品第十六釋

經今時慧命舍利弗問富樓那云何名菩薩摩訶薩乘於大乘富樓那答舍利弗言菩薩摩訶薩行般若波羅蜜時乘檀波羅蜜亦不得檀波羅蜜亦不得菩薩亦不得受者用無所得故是名菩薩摩訶薩乘檀波羅蜜菩薩摩訶薩行般若波羅蜜時乘尸羅波羅蜜提波羅蜜毗梨耶波羅蜜禪波羅蜜乘般若波羅蜜亦不得般若波羅蜜亦不得菩薩用無所得故是為菩薩摩訶薩乘於般若波羅蜜如是舍利弗是為菩薩摩訶薩乘於大乘復次舍利弗菩薩摩訶薩行一心應薩婆若修若修四念處法壞故乃至一心應薩婆若修十八不共法法壞故是亦不可得如是舍利弗是名菩薩摩訶薩乘於大乘復次舍利弗菩薩摩訶薩作是念菩薩但有名字眾生不可得故是名菩薩摩訶薩乘於大乘復次舍利弗若菩薩摩訶薩作是念色但有名字色不可得故受想行識但有名字識不可得故眼但有名字眼不可得故乃至意亦如是四念處但有名字四念處不可得故乃至八聖道分但有名字八聖道分不可得故內空但有名字內空不可得故乃至無法有法空但有名字無法有法空不可得故乃至十八不

智度論五十一

二

端

共法但有名字十八不共法不可得故諸法如但有名字如不可得故法相法性法住實際但有名字實際不可得故阿耨多羅三藐三菩提及佛但有名字佛不可得故如是舍利弗是名菩薩摩訶薩乘於大乘復次舍利弗若菩薩摩訶薩從初發意已來具足菩薩神通成就眾生從一佛國至一佛國恭敬供養尊重讚歎諸佛從諸佛聽受法教所謂菩薩大乘是菩薩乘此大乘從一佛國至一佛國淨佛國土成就眾生初無佛國想亦無眾生想此人住不二法中為眾生受身隨其所應自變其形而教化之乃至一切智終不離菩薩乘是菩薩得一切種智已轉法輪聲聞辟支佛及天龍鬼神阿脩羅世間人民所不能轉今時十方如恒河沙等諸佛皆歡喜稱名讚歎作是言某方某國某菩薩摩訶薩乘於大乘得一切種智轉法輪舍利弗是名菩薩摩訶薩乘於大乘

論釋曰富樓那以三事明摩訶薩上已說二事今問第三事乘於大乘富樓那答有人言菩薩直布施內外物不能破吾我相是名大莊嚴若能破吾我相入眾生空未入法空是名發大莊嚴因眾生空入法空中行檀波羅蜜不見三事施者受者財物能如是者是名乘於大乘餘波羅蜜亦如是是菩薩以不離心離諸煩惱及二乘意為薩婆若故修行四念處修相亦不可得畢竟清淨故是名乘於大

大智度論五十一

三端

乘乃至十八不共法亦如是復次若菩薩知一切法假名字於名字和合中復有名字一切世間若出世間皆是假名是名乘於大乘復次菩薩發大莊嚴具足菩薩神通具足菩薩神通故成就眾生從一佛國至一佛國所經諸國雨七寶蓮花供養諸佛拔三惡道眾生變身無數各各至諸佛前聽受大乘法化從諸佛前起大乘相乘此大乘從一佛國至一佛國成就眾生淨佛世界不生衆生相不取佛國相住不二入地中隨諸衆生所應度者而化度之為衆生故受身常乘大乘初無休息是菩薩乘於大乘得成佛轉法輪諸聲聞辟支佛所不能轉何況餘小凡夫十方如恒河沙等世界諸佛讚歎是菩薩某方某國某甲菩薩乘於大乘成佛轉法輪如是相名為乘於大乘復次大乘名畢竟清淨六波羅蜜菩薩摩訶薩乘於大乘時以五神通而自莊嚴菩薩住是乘中一時變身無數至十方世界供養諸佛度脫衆生是菩薩常不離諸佛乃至得佛道常乘此大乘

釋第十
六品竟

摩訶般若波羅蜜經無縛無脫品第十七釋經今時須菩提白佛言世尊菩薩摩訶薩大誓莊嚴何等是大誓莊嚴何等菩薩能大誓莊嚴佛語須菩提菩薩摩訶薩摩訶衍大誓莊嚴所謂檀波羅蜜乃至般若波羅蜜莊嚴四念處莊嚴乃至八聖道分內空莊嚴乃至無法有法空十力乃至十八不共法及一切種

大智度論五十一

四端

智莊嚴變身如佛莊嚴光明遍照三千大千世界亦照東方如恒河沙等世界南西北方四維上下亦復如是三千大千世界六種震動亦動東方如恒河沙等諸世界南西北方四維上下亦復如是是菩薩摩訶薩住檀波羅蜜摩訶衍大誓莊嚴是三千大千世界變為琉璃化作轉輪聖王隨衆生所欲須食與食須飲與飲衣服卧具花香瓔珞搗香澤香房舍燈燭醫藥種種所須盡給與之與已而為說法所謂應六波羅蜜法衆生聞是法者終不離六波羅蜜乃至阿耨多羅三藐三菩提如是須菩提是名菩薩摩訶薩摩訶衍大誓莊嚴須菩提辭如工幻師若幻師弟子於四衢道中化作大衆於前須食與食須飲與飲乃至種種所須盡給與之於須菩提意云何是幻師實有衆生有給與不須菩提言不也世尊須菩提菩薩摩訶薩亦如是化作轉輪聖王種種具足須食與食須飲與飲乃至種種所須盡給與之雖有所施實無所與何以故須菩提諸法相如幻故復次須菩提菩薩摩訶薩住尸羅波羅蜜現生轉輪聖王家以十善道教化衆生又以四禪四無量心四無色定四念處乃至十八不共法教化衆生聞是法者至阿耨多羅三藐三菩提終不離是法辭如幻師若幻師弟子於四衢道中化作大衆以十善道教化今行又以四禪四無量心四無色定四念處乃至十八不共法教

背四共九百字

大智度論五十一

五 端

化今行須菩提於故意云何是幻師實有衆
 生教化今行十善道乃至十八不共法不須
 菩提言不也世尊須菩提菩薩摩訶薩亦如
 是以十善道教化衆生今行乃至十八不共
 法實無衆生行十善道乃至十八不共法何
 以故諸法相如幻故須菩提是名菩薩摩訶
 薩大誓莊嚴復次須菩提菩薩摩訶薩住羼
 提波羅蜜教化衆生忍辱須菩提云何菩薩
 摩訶薩住羼提波羅蜜教化衆生著忍辱波
 羅蜜中須菩提菩薩摩訶薩從初發心已來
 如是大誓莊嚴若一切衆生來罵詈刀杖傷
 害菩薩摩訶薩於此中不起一念亦教一切
 衆生行此忍辱辭如幻師若幻師弟子於四
 衢道中化作大衆令行忍辱餘如上說須菩
 提是名菩薩摩訶薩大誓莊嚴復次須菩提
 菩薩摩訶薩住毗梨耶波羅蜜教化一切衆
 生今行毗梨耶波羅蜜須菩提云何菩薩摩
 訶薩住毗梨耶波羅蜜教一切衆生令行毗
 梨耶波羅蜜須菩提菩薩摩訶薩應薩婆若
 心身心精進教化衆生辭如幻師若幻師弟
 子於四衢道中化作大衆教令行身心精進
 餘如上說是名菩薩摩訶薩大誓莊嚴復次
 須菩提菩薩摩訶薩住禪波羅蜜教一切衆
 生今行禪波羅蜜須菩提云何菩薩摩訶薩
 住禪波羅蜜教一切衆生今行禪波羅蜜須
 菩提菩薩摩訶薩住諸法等中不見法若亂
 若定如是須菩提菩薩摩訶薩住禪波羅蜜

大智度論五十一

六 端

教一切衆生今行禪波羅蜜乃至阿耨多羅
 三藐三菩提終不離禪波羅蜜辭如幻師
 若幻師弟子於四衢道中化作大衆教令行
 禪波羅蜜餘如上說須菩提是名菩薩摩訶
 薩大誓莊嚴復次須菩提菩薩摩訶薩住般
 若波羅蜜教一切衆生今行般若波羅蜜須
 菩提云何菩薩摩訶薩住般若波羅蜜教一
 切衆生今行般若波羅蜜須菩提菩薩摩訶
 薩行般若波羅蜜時無有法得此岸彼岸如
 是菩薩摩訶薩住般若波羅蜜中教一切衆
 生今行般若波羅蜜辭如幻師若幻師弟
 子於四衢道中化作大衆教令行般若波羅
 蜜須菩提是名菩薩摩訶薩大誓莊嚴復次
 須菩提菩薩摩訶薩大誓莊嚴十方如恒河
 沙等世界中衆生隨其所應自變其身住檀
 波羅蜜乃至般若波羅蜜亦教衆生今行檀
 波羅蜜乃至般若波羅蜜是衆生行是法乃
 至阿耨多羅三藐三菩提終不離是法須菩
 提辭如幻師若幻師弟子於四衢道中化
 作衆生教令行六波羅蜜餘如上說是須
 菩提是名菩薩摩訶薩大誓莊嚴復次須菩
 提菩薩摩訶薩大誓莊嚴應薩婆若心不生
 是念我教若干人住檀波羅蜜不教若干人
 住檀波羅蜜乃至般若波羅蜜亦如是不生
 是念我教若干人住四念處不教若干人住
 四念處乃至十八不共法亦如是不生是
 念我教若干人令得須陀洹果斯陀含果阿

大智度論五十一 七 端

那舍果阿羅漢果辟支佛道一切種智亦不
 教若干人今得須陀洹果乃至一切種智我
 當令無量無邊阿僧祇衆生住檀波羅蜜乃
 至般若波羅蜜立衆生於四念處乃至十八
 不共法今無量無邊阿僧祇衆生得須陀洹
 果乃至一切種智譬如幻師若幻師弟子
 於四衢道中化作大衆教令行六波羅蜜乃
 至得一切種智餘如上說須菩提是名菩薩
 摩訶薩大誓莊嚴
 論釋曰上富樓那說大莊嚴及發大誓莊嚴
 相今須菩提作是念富樓那未得一切智雖
 說大莊嚴或當有錯是故問佛取定佛為須
 菩提說檀波羅蜜大莊嚴乃至一切智是諸善
 法果報故得菩薩大神通力為出家好道衆
 生故化作佛身放大光明照十方世界震動
 天地令衆生發心行善法隨其所應而為說
 法今得三乘為在家好樂衆生作轉輪聖王
 變三千世界悉為瑠璃為不障礙故乘七寶
 車身放光明雨諸寶物隨衆生所須皆令充
 足然後為說菩薩法菩薩住大乘中以二施
 利益衆生所謂財施法施衆生聞已行六波
 羅蜜乃至十八不共法至阿耨多羅三藐三
 菩提終不離是法菩薩雖住是變化中亦不
 於諸法中生著想亦不自高須菩提作是念
 菩薩能作如是大事又諸漏未盡故云何於
 諸法得不著亦不生高心是中佛自說譬喻
 若幻師於四衢道中化作種種物隨人所須

大智度論五十一 八 端

悉能與之於須菩提意云何是幻師實有所
 與不有受者有用者不須菩提言是但虛誑
 實無所有佛言菩薩亦如是雖作佛身轉輪
 聖王以財法施衆生亦如幻師實無所與何
 以故諸法相畢竟空如幻餘五波羅蜜亦如
 是隨義分別復次檀波羅蜜尸羅波羅蜜因
 緣故人中富貴作轉輪聖王餘波羅蜜或作
 梵王或作法身菩薩問曰出六波羅蜜外更
 有何法可莊嚴答曰諸功德皆六波羅蜜中
 攝有人言別有智波羅蜜及方便等於十方
 如恒河沙等世界中隨所應度作種種因緣
 說法令衆生住六波羅蜜復次決定誓願名
 為大莊嚴所謂菩薩不作是念我度若干人
 今住檀波羅蜜不能度餘人乃至十八不共
 法亦如是亦不作是念我今若干人得須陀
 洹果不能令若干人得須陀洹果乃至佛道
 亦如是我當悉令無量阿僧祇衆生住諸功
 德中檀波羅蜜乃至一切種智自立如幻師
 如先說是名發大莊嚴
 經今時須菩提白佛言世尊如我從佛所聞
 義菩薩摩訶薩無大誓莊嚴為大誓莊嚴諸
 法自相空故所謂色色相空受想行識識相
 空眼眼相空乃至意意相空色色相空乃至法
 法相空空眼識眼識相空乃至意識意識相空
 眼觸眼觸相空乃至意觸意觸相空眼觸因
 緣生受受相空乃至意觸因緣生受受相空世
 尊檀波羅蜜檀波羅蜜相空乃至般若波羅

大智度論五十一 九 端

蜜般若波羅蜜相空內空內空相空乃至
 無法有法空無法有法空相空四念處四念
 處相空乃至十八不共法十八不共法相空
 菩薩菩薩相空世尊以是因緣故當知菩薩
 摩訶薩無大誓莊嚴為大誓莊嚴佛告須菩
 提如是如是如汝所說須菩提薩婆若非作
 法眾生亦非作法菩薩為是眾生大誓莊嚴
 須菩提自佛言世尊何因緣故薩婆若非作
 法是眾生亦非作法菩薩為是眾生大誓莊
 嚴佛語須菩提作者不可得故以是故薩婆
 若非作非起法是諸眾生亦非作非起法何
 以故須菩提色非作非不作受想行識非作
 非不作眼非作非不作乃至意非作非不作
 色乃至法眼識乃至意識眼觸乃至意觸眼
 觸因緣生受乃至意觸因緣生受非作非不
 作須菩提我非作非不作乃至知者見者非
 作非不作何以故是諸法畢竟不可得故須
 菩提夢非作非不作何以故畢竟不可得故
 幻響影焰化非作非不作何以故畢竟不可
 得故須菩提內空非作非不作畢竟不可得
 故乃至無法有法空非作非不作畢竟不可
 得故須菩提四念處非作非不作畢竟不可
 得故乃至十八不共法非作非不作何以故
 是法皆畢竟不可得故須菩提諸法如法相
 法性法住法位實際非作非不作畢竟不可
 得故須菩提菩薩非作非不作畢竟不可得
 故薩婆若及一切種智非作非不作畢竟不

大智度論五十一 十 端

可得故以是因緣故須菩提薩婆若非作非
 起法是眾生亦非作非起法菩薩為是眾生
 大誓莊嚴今時須菩提自佛言如我觀佛所
 說義世尊色無縛無脫受想行識無縛無脫
 今時富樓那彌多羅尼子語須菩提色是無
 縛無脫受想行識是無縛無脫須菩提言如
 是如是色是無縛無脫受想行識是無縛無
 脫富樓那彌多羅尼子問須菩提何等色無
 縛無脫何等受想行識無縛無脫須菩提言
 如夢色無縛無脫如夢受想行識無縛無脫
 如響如影如幻如焰如化色受想行識無縛
 無脫富樓那彌多羅尼子過去色無縛無脫
 過去受想行識無縛無脫未來色無縛無脫
 未來受想行識無縛無脫現在色無縛無脫
 現在受想行識無縛無脫何以故無縛無脫
 是色無所有故無縛無脫受想行識無所有
 故無縛無脫離故寂滅故不生故無縛無脫
 富樓那善色受想行識亦無縛無脫不善色
 受想行識無縛無脫無記色無縛無脫無記
 受想行識無縛無脫世間出世間有漏無漏
 色無縛無脫受想行識亦無縛無脫何以故
 無所有故離故寂滅故不生故無縛無脫富
 樓那一切法亦無縛無脫無所有故離故寂
 滅故不生故富樓那檀波羅蜜無縛無脫尸
 羅波羅蜜無縛無脫毗梨耶波羅蜜無縛無
 羅蜜般若波羅蜜無縛無脫無所有故離故
 寂滅故不生故無縛無脫富樓那內空亦無

塔下三九七二

大智度論五十一

十一

端

縛無脫乃至無法有法空亦無縛無脫四念
 處無縛無脫乃至十八不共法無縛無脫無
 所有故離故寂滅故不生故無縛無脫阿耨
 多羅三藐三菩提無縛無脫一切智一切種
 智無縛無脫菩薩無縛無脫佛亦無縛無脫
 無所有故離故寂滅故不生故無縛無脫富
 樓那諸法如法相法性法住法位實際無為
 法無縛無脫無所有故離故寂滅故不生故
 無縛無脫富樓那是名菩薩摩訶薩無縛無
 脫檀波羅蜜乃至般若波羅蜜四念處乃至
 一切種智無縛無脫是菩薩摩訶薩住無縛
 無脫檀波羅蜜中乃至住無縛無脫般若波
 羅蜜住無縛無脫四念處乃至住無縛無脫
 一切種智無縛無脫成就眾生無縛無脫淨
 佛國土無縛無脫諸佛當供養無縛無脫當
 聽法無縛無脫諸佛終不離無縛無脫諸神
 通終不離無縛無脫五眼終不離無縛無脫
 陀羅尼門終不離無縛無脫諸三昧終不離
 無縛無脫當生道種智無縛無脫當得一切
 種智無縛無脫法輪轉無縛無脫眾生安立
 三乘如是富樓那菩薩摩訶薩行無縛無脫
 六波羅蜜當知一切法無縛無脫無所有故
 離故寂滅故不生故富樓那是名菩薩摩訶
 薩無縛無脫大誓莊嚴
 論釋曰須菩提言如我聞佛義無大莊嚴為大
 莊嚴何以故自相空故問曰須菩提何以故
 如是說答曰佛說發大莊嚴義甚深難得難

大智度論五十一

十二

端

解會中眾生聞是事心或退沒如是莊嚴畢
 竟空亦以神通力故一時能遍至十方如恒
 河沙世界可適眾生言此是聖王事我等云
 何能知以是故須菩提說發大莊嚴非深非
 難非但發大莊嚴自相空易行易得色色中
 定相不可得乃至十八不共法亦尔若菩薩
 能如是知諸法空寂滅相而不捨本願精進
 是故名發大莊嚴非是難得佛證須菩提所
 說故言如是作法皆是虛誑故言薩婆若無
 作法眾生畢竟空故亦無作法佛說作者不
 可得故一切智非作相眾生不可得故作者
 不可得作者不可得故薩婆若非作非起相
 復次色亦無所能作法空故乃至諸佛法亦
 如是須菩提等謂諸法中無有定作相如幻
 雖無實事而有來去相以是故佛說如幻如
 焰等無作相畢竟不可得故是時聽者作是
 念十八空能破一切法則是有用是則為實
 謂言有作是以佛言內空無所作乃至無法
 有法空至十八不共法亦無所作若謂今十
 八空有為虛誑無實故可無作如法性實際
 是真實法應當有作何以故一切有為法各
 各共因無為法亦與有為法作因故佛言如
 法性實際法住法位亦無作又謂菩薩佛一
 切種智是實法能有所作以是故佛言是法
 亦畢竟空故亦無所作相因緣生故行者
 念言佛法甚難甚為希有諸法都無作無縛
 無解者我等云何當從苦得脫是故須菩提

提白佛言如我知佛所說義五眾無縛無解若畢竟空無有作者誰縛誰解凡夫人法虛誑不可得故非縛聖人法畢竟空不可得故非解如夢等五眾及三世五眾善不善等五眾一切法亦如是乃至實際等亦復如是無所有故離故不生故無縛無解是名菩薩摩訶薩不縛不解菩薩道住是道中諸煩惱不牽隨凡夫中故言不縛不以諸無漏法破煩惱故言不解教化眾生淨佛世界乃至五神通五眼諸陀羅尼三昧門終不離佛及安立眾生於三乘亦無縛無解所以者何諸法無所有故離故寂滅故不生故畢竟空故如是等因緣是名菩薩摩訶薩發大莊嚴相所謂不縛不解

釋第七品竟

摩訶般若波羅蜜經摩訶衍品第十八釋之一

經爾時須菩提白佛言世尊何等是菩薩摩訶薩摩訶衍云何當知菩薩摩訶薩發趣大乘是乘發何處是乘至何處當任何處誰當乘是乘出者佛告須菩提汝問何等是菩薩摩訶薩摩訶衍須菩提六波羅蜜是菩薩摩訶薩摩訶衍何等六檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜云何名檀波羅蜜須菩提菩薩摩訶薩以應薩婆若心內外所有布施共一切眾生迴向阿耨多羅三藐三菩提用無所得故須菩提是名菩薩摩訶薩檀波羅蜜云何名尸羅波羅蜜須菩提菩薩摩訶薩以應薩婆若

心自行十善道亦教他行十善道用無所得故是名菩薩摩訶薩不著尸羅波羅蜜云何名羼提波羅蜜須菩提菩薩摩訶薩以應薩婆若心自具足忍辱亦教他行忍辱用無所得故是名菩薩摩訶薩羼提波羅蜜云何名毗梨耶波羅蜜須菩提菩薩摩訶薩以應薩婆若心行五波羅蜜勤修不息亦安立一切眾生於五波羅蜜用無所得故是名菩薩摩訶薩毗梨耶波羅蜜云何名禪波羅蜜須菩提菩薩摩訶薩以應薩婆若心自以方便入諸禪不隨禪生亦教他令入諸禪用無所得故是名菩薩摩訶薩禪波羅蜜云何名般若波羅蜜須菩提菩薩摩訶薩以應薩婆若心不著一切法亦觀一切法性用無所得故亦教他不著一切法亦觀一切法性用無所得故是名菩薩摩訶薩般若波羅蜜須菩提是為菩薩摩訶薩摩訶衍復次須菩提菩薩摩訶薩復有摩訶衍所謂內空外空內外空空空大空第一義空有為空無為空畢竟空無始空散空性空自相空諸法空不可得空無法空有法空無法有法空須菩提白佛言何等為內空佛言內法名眼耳鼻舌身意眼耳鼻非常非滅故何以故性自尔耳耳空鼻鼻空舌舌空身身空意意空非常非滅故何以故性自尔是名內空何等為外空外法名色聲香味觸法色色空非常非滅故何以故性自尔聲聲空香香空味味空觸觸空法法空

背異九百八字

智度論五十一 十五 端

非常非滅故何以故性自是名外空何等
 為內外空內外法名內六入外六入內法內
 法空非常非滅故何以故性自是名外法外法
 空非常非滅故何以故性自是名內外空
 何等為空空一切法空是空亦空非常非滅
 故何以故性自是名空空何等為大空東
 方東方相空非常非滅故何以故性自是南
 西北方四維上下南西北方四維上下空非
 常非滅故何以故性自是名大空何等為
 第一義空第一義名泥洹泥洹空何等為
 非滅故何以故性自是名第一義空何等
 為有為空有為法名欲界色界無色界欲界
 欲界空色界色界空無色界無色界空非常
 非滅故何以故性自是名有為空何等為
 無為空無為法名無生相無住相無滅相
 無為法無為法空非常非滅故何以故性自
 是名無為空何等為畢竟空畢竟名諸法
 至竟不可得非常非滅故何以故性自是
 名畢竟空何等為無始空若法初來處不可
 得非常非滅故何以故性自是名無始空
 何等為散空散名諸法無滅非常非滅故何
 以故性自是名散空何等為性空一切法
 性若有為法性若無為法性是性非聲聞辟
 支佛所作非佛所作亦非餘人所作是性性
 空非常非滅故何以故性自是名性空何
 等為自相空自相名色壞相受相想取相
 行作相識識相如是等是有為法無為法各各

智度論五十一 十六 端

自相空非常非滅故何以故性自是名自
 相空何等名為諸法空諸法名色受想行
 識眼耳鼻舌身意色聲香味觸法眼界色界
 眼識界乃至眼界法界意識界是諸法諸法
 空非常非滅故何以故性自是名為諸法空
 何等為不可得空求覓諸法不可得是不可
 得空非常非滅故何以故性自是名不可
 得空何等為無法空若法無是亦空非常非
 滅故何以故性自是名無法空何等為有
 法空有法名諸法和合中有自性相是有法
 空非常非滅故何以故性自是名有法空
 何等為無法有法空諸法中無法諸法和合
 中有自性相是無法有法空非常非滅故何
 以故性自是名無法有法空復次須菩提
 法法相空無法無法相空自法自法相空他
 法他法相空何等名法法相空法名五眾五
 眾空是名法法相空何等名無法無法相空
 無法名無法是名無法無法相空何等名
 自法自法空諸法自法空是空非智作非見
 作是名自法自法空何等名他法他法空若
 佛出若佛未出法住法相法位法性如實際
 過此諸法空是名他法他法空是為菩薩摩
 訶薩摩訶訶
 論問曰是經名為般若波羅蜜又佛命須菩
 提為菩薩說般若波羅蜜須菩提應問般若
 波羅蜜佛亦應答般若波羅蜜今須菩提何
 以乃問摩訶訶佛亦答摩訶訶答曰般若波

智度論卷五十一

大智度論五十一 十七 端

羅蜜摩訶衍一義但名字異若說般若波羅
 蜜說摩訶衍無各摩訶衍名佛道行是法得
 至佛所謂六波羅蜜六波羅蜜中第一大者
 般若波羅蜜如後品佛種種說大因緣若說
 般若波羅蜜則攝六波羅蜜若說六波羅蜜
 則具說菩薩道所謂從初發意乃至得佛辟
 如王末必有營從雖不說從者當知必有摩訶
 衍亦如是菩薩初發意所行為求佛道故所
 修集善法隨可度眾生所說種種法所謂本
 起經斷一切眾生疑經花手經法花經雲經
 大雲經法雲經彌勒問經六波羅蜜經摩訶
 般若波羅蜜經如是等無量無邊阿僧祇經
 或佛說或化佛說或大菩薩說或聲聞說或
 諸得道天說是事和合皆名摩訶衍此諸經
 中般若波羅蜜最大故說摩訶衍即知已說
 般若波羅蜜諸餘助道法無般若波羅蜜和
 合則不能至佛以是故一切助道法皆是般
 若波羅蜜如後品中佛語須菩提汝說摩訶
 衍不異般若波羅蜜問曰若今者初何以不
 先說摩訶衍答曰我上說般若波羅蜜最大
 故應先說又佛意欲說摩訶衍般若波羅蜜放
 大光明十方諸菩薩各自問佛今何以有是
 光明諸佛各答言娑婆世界有佛名釋迦文
 尼欲說般若波羅蜜彼諸菩薩及諸天人和
 合而來舍利弗問佛世尊云何菩薩摩訶薩
 欲知一切法習行般若波羅蜜又佛初品中
 種種讚般若波羅蜜功德若欲得是者當學

大智度論五十一 十八 端

般若波羅蜜有如是等因緣故應初說般若
 波羅蜜佛命須菩提汝為諸菩薩說般若波
 羅蜜須菩提謙言菩薩空但有名後言能如
 是解了知菩薩相即是行般若波羅蜜既知
 是已問菩薩句義次有摩訶薩義摩訶薩義
 中有大莊嚴摩訶衍如勇夫雖有種種器仗
 莊嚴不乘駿馬則無能為是大乘天竺語名
 摩訶衍諸佛斷法愛故又明般若波羅蜜義
 無異故佛不可以是故須菩提更作異名問
 摩訶衍問曰如摩訶衍序中說從初發心乃
 至佛道為佛道故集一切善法皆名摩訶衍
 今何以但說六波羅蜜為摩訶衍答曰如先
 說般若波羅蜜則說六波羅蜜說六波羅
 蜜則攝一切善法以是故不應作是問諸善
 法多何以但說六波羅蜜復次摩訶衍初發
 心作願乃至後方便等六波羅蜜是諸法雖
 不名為波羅蜜然義皆在六波羅蜜中如初
 發心作願大悲等心力大故名毗梨耶波羅
 蜜捨小利取大乘名般若波羅蜜方便即是
 智慧智慧厚淨故變名方便教化眾生淨佛
 國土等皆在六波羅蜜中隨義相攝問曰若
 今者後何以更說十八空百八三昧等名摩
 訶衍答曰六波羅蜜是摩訶衍體但後廣分
 別其義如十八空四十二字等是般若波羅
 蜜義百八三昧等是禪波羅蜜義以是故初
 說六波羅蜜問曰何以故正說六波羅蜜不
 多不少答曰佛為法王隨眾生可度或時略

大智度論五十一 十九 端

說一二三四或時廣說如賢劫經八萬四千
 波羅蜜復次六道眾生皆受身心苦惱如地
 獄眾生捽捺苦畜生中相殘害苦餓鬼中飢
 餓苦人中求欲苦天上離所愛欲時苦阿修
 羅道鬪諍苦菩薩生大悲心欲滅六道眾生
 苦故生六波羅蜜以是故說六波羅蜜不多
 不少問曰檀波羅蜜有種種相此中佛何以
 但說五相所謂用薩婆若相應心捨內外物
 是福共一切眾生迴向阿耨多羅三藐三菩
 提用無所得故何以不說大慈悲心供養諸
 佛及神通布施等答曰是五種相中攝一切
 布施相應薩婆若心布施者此緣佛道依佛
 道捨內外者則捨一切諸煩惱共眾生者則
 是大悲心迴向者以此布施但求佛道不求
 餘報用無所得故者得諸法實相般若波羅
 蜜氣分故檀波羅蜜非誑非倒亦無窮盡問
 曰若介者則不須五種相但說薩婆若相應
 心則足答曰此事可介但以眾生不知云何
 應薩婆若心布施義故是以四事分別其
 義應薩婆若心者以菩薩心求佛薩婆若作
 緣作念繫心持是布施欲得薩婆若果不求
 今世因緣名聞恩分等亦不求後世轉輪聖
 王天王富貴處為度眾生故不求涅槃但欲
 具一切智等諸佛法為盡一切眾生苦故是
 名應薩婆若心內外物者內名頭腦骨髓血
 肉等難捨故在初說外物者國土妻子七寶
 飲食等共一切眾生者是布施福德果報與

大智度論五十一 二十 端

一切眾生共用辭如大家種穀與人共食苦
 薩福德果報一切眾生皆來依附辭如好菓
 樹眾鳥歸集迴向者是福德邊不求餘報但
 求阿耨多羅三藐三菩提問曰先言應薩婆
 若心後言迴向有何等異答曰應薩婆若心
 為起諸福德因緣迴向者不求餘報但求佛
 道復次薩婆若相應心為應阿耨多羅三藐
 三菩提故施如先義說薩婆若為主一切功
 德皆為薩婆若讚佛智慧有二種一者無上
 正智名阿耨多羅三藐三菩提二者一切種
 智名薩婆若用無所得者以般若波羅蜜心
 布施順諸法實相而不虛誑如是等說檀波
 羅蜜義問曰尸羅波羅蜜則摠一切戒法辭如
 大海摠攝眾流所謂不飲酒不過中食不杖
 加眾生等是事十善中不攝何以但說十善
 答曰佛摠相說六波羅蜜十善為摠相戒別
 相有無量戒不飲酒不過中食入不貪中杖
 不加眾生等入不瞋中餘隨義相從戒名身
 業口業七善道所攝十善道及初後如發心
 欲殺是時作方便惡口鞭打繫縛斫刺乃至
 垂死皆屬於初死後剥皮食瞰割截歡喜皆
 名後奪命是本體此三事和合摠名殺不善
 道以是故知說十善道則攝一切戒復次是菩
 薩生慈悲心發阿耨多羅三藐三菩提佈施
 利益眾生隨其所須皆給與之持戒不惱眾
 生不加諸苦常施無畏十善業道為根本餘
 者是不惱眾生遠因緣戒律為今世取涅槃

故姓欲雖不惱眾生心繫縛故為大罪以是故戒律中姓欲為初白衣不殺戒在前為求福德故菩薩不求今世涅槃於無量世中往返生死修諸功德十善道為舊戒餘律儀為客復次若佛出好世則無此戒律如釋迦文佛雖在惡世十二年亦無此戒以是故知是客復次有二種戒有佛時或有或無十善有佛無佛常有復次戒律中戒雖復微細則清淨犯十善戒雖復懺悔三惡道罪不除如比丘殺畜生雖復得悔罪報猶不除如是等種種因緣故但說十善業道亦自行亦教他人名為尸羅波羅蜜十善道七事是戒三為守護故通名為尸羅波羅蜜餘波羅蜜亦如是隨義分別如初品中六波羅蜜論議廣說是經名般若波羅蜜般若波羅蜜名捨離相以是故一切法中皆用無所得故問曰若用有所得集諸善法猶尚為難何況用無所得答曰若得是無所得智慧是時能妨善行或生邪疑若不得是無所得智慧是時無所妨亦不生邪疑佛亦不稱著心取相行諸善道何以故虛誑住世間終歸於盡若著心修善破者則易若著空生悔還失是道譬如火起草中得水則滅若水中生火則無物能滅初習行著心取相菩薩修福德如草生火易可得滅若體得實相菩薩以大悲心行眾行難可得破如水中生火無能滅者以是故難用無所得心行眾行心亦不弱不生疑悔是名

略說六波羅蜜義廣說如初品中一一波羅蜜皆具足十八空者六波羅蜜中說般若波羅蜜義不著諸法所以者何以十八空故十八空論議如初品中佛告舍利弗菩薩摩訶薩欲住十八空當學般若波羅蜜彼義應此中廣說問曰十八空內空等後皆言非常非滅故此義云何答曰若人不習此空必墮二邊若常若滅所以者何若諸法實有則無滅義墮常中如人出一舍入一舍眼雖不見不名為無諸法亦亦從未來世入現在世現在世入過去世如是則不滅行者以有為患用空破有心復貴空著於空者則墮斷滅以是故行是空以破有亦不著空離是二邊以中道行是十八空以大悲心為度眾生是故十八空後皆言非常非滅是名摩訶衍若異此者則是戲論狂人於佛法中空無所得如人於珍寶聚中取水晶珠眼見雖好價無所直問曰若十八空巴攝諸空何以更說四空答曰十八空中現空盡攝諸佛有二種說法或初略後廣或初廣後略初略後廣為解義故初廣後略為易持故或為後會眾生略說其要或以偈頌今佛前廣說十八空後略說四空相法法相空者一切法中法相不可得如色中色相不可得復次法中不生法故名為法法空無法無法空者無為法名無法何以故相不可得故問曰佛以三相說無為法云何言無相答曰不然破生故言無生破住